

Kontrollrapport for årsmøteperioden 2013-2014

1. Samansetning

Kontrollutvalet sine medlem i 2012 – 2013 har vore Trond Sundnes (DN), Ingvild Rugland (Bergens Tidende) og Heidi Molstad Andresen (Dagbladet, *perm*), med sistnemnte som leiar.

2. Oppgåver

Utvalet skal, jamfør vedtekten, "fortløpende få tilsendt dokumenter som behandles av styret, referat fra styremøter og regnskapsrapporter. Årsberetning og regnskap skal sendes kontrollutvalget snarest og senest tre uker før årsmøtet. Kontrollutvalget avgir til årsmøtet en egen årsrapport om styrets forvaltning av sine oppgaver og stiftelsens økonomi". Kontrollutvalet driv etterkontroll, og kommenterer difor ikkje pågåande diskusjonar i styret.

3. Møteverksemد

Sundnes og Molstad Andresen hadde 29/2-2014 møte med sekretariatsleiar Heftøy med gjennomgang av rekneskapen for 2013. Utvalet har elles hatt kontakt seg i mellom og med Heftøy per epost og telefon. Utover dette har arbeidet skjedd gjennom dokumentkontroll.

4. Merknader

4.1: Informasjonsflyt

Utvalet har hatt god tilgang på informasjon og fått tilsendt referat, sakspapir og rekneskap fortløpende. Sekretariatsleiar har også vore svært hjelpsam med tilleggsinformasjon når utvalet har bede om dette. Komiteen har vorte førelagt ei sak som er handsama per epost.

4.2: Bruk av Rådet

Utvalet er orientert om at styret la fram søknaden om å få tildelt GIJC 2015, for Rådet. Det er klokt at styret konfererer Rådet i saker som kan få stor tyding for stiftinga sin økonomi.

4.3: Økonomi

	2013	2012*	2011	2010	2009	2008
Ord.delt	502	486	559	446	454	522
Studentar	6	22	3	11	19	34
Andre delt.	0	4	2	6	3	7
SKUP	101	104	110	78	68	41
Herav utanl. fl.	19	18	22	9	13	5
Tot deltag	609	616	674	541	544	604
Ord konf. avgift	2700	2500	2500	2400	2370	1900
Stud.avgift	1600	1600	1500	1600	1570	1100
E-rom+mat	3640	3500	3500	3500	3430	3575
Totalt, konf og hotell	6340	6000	6000	5900	5800	5475
Konf.innt tot	1355400	1215000	1400000	1070400	1075980	991800
Resultat	-94961	-272000	69000	55000	-420000	159000
Eigenkapital	800259	690 000	881000	812000	757000	1177000
Met.rapport	52	50	66	50	48	51
Seminar + delt pr sem	63 (9,6)	61 (10)	68 (9,9)	55 (9,8)	52 (10,4)	54 (11,1)

*Styret fekk i fjar andre tal for 2012-konferansen. Talet på deltagarar vart då oppgjeve til 603 og eigenkapitalen til 608 000. Det var desse tala utvalet la fram for årsmøtet.

For 2013 har stiftinga eit overskot på kr 95 000, ei forbetring på kr 175 000 kroner frå i fjor. Eigenkapitalen er med det styrka med kr 100 000.

Den ordinære konferanseavgifta vart auka med 200 kroner frå 2012 til 2013. For dei 500 ordinære deltakarane i 2013 utgjorde dette ei inntektsauke på 100 000 kroner. Stiftinga har også eit unytta tilskot på kr 95 000 til SKUP og Tore Sandberg sitt graveteam.

Graveteampengane vart ikkje nytta i 2013 grunna stillstand i redaksjonen som fekk tildelt teamet. I 2013 vart det også mellom anna nytta 40 000 kroner mindre til annonsering av graveteam og siste skup-medarbeidarar, av di det ikkje var behov for annonsene.

I tillegg til auka inntekter og den meir uføresette reduksjonen i utgifter, har styret også medvite skore ned på utgifter til underhaldning og tekniske kostnader knytt til dette, utgifter til overnatting for råd og styre frå torsdag til fredag før konferansen og reisekostnader i samband med utanlandskonferansar.

Kontrollutvalet oppmodar styret om følgjande:

⑩ At uteståande fordringar blir delt opp i tid i rekneskapen

⑩ At det i rekneskapen framgår klårare korleis øyremerkte tilskot er nytta, anten i form av eige prosjektrekneskap eller notar i rekneskapen. Av fjorårets 100 000 løyvde kroner frå Fritt Ord, finn me td berre att utgifter på 78 000 kr til trusselrapporten, medan lønsutgiftene til den innleidde medarbeidaren er ført under personalkostnader. Dette er fyrst og fremst viktig for at SKUP sine støttespelarar enkelt skal kunne identifisere at stiftinga treng – og har nytta – pengane til det det vart søkt om.

⑩ Utvalet meiner det er uheldig dersom øyremerkte tilskot ikkje blir brukt, og tilrår styret å evaluere praksisen kring tildeling og finansiering av graveteamet.

⑩ Talet på norske førelesarar betalt av SKUP har auka mykje dei siste åra. SKUP skal vera ein mediedugnad. Det er svært viktig å ikkje uthole ordninga med at arbeidsgjevarane betaler for sine tilsette som skal førelese på konferansen.

⑩ Deltakartalet på studentar har gått mykje ned. Det har ikkje vore store hopp i konferanseavgifta. Komiteen oppmodar styret til å styrke arbeidet med rekruttering av studentar, både som deltakarar og til Siste Skup.

Komiteen meiner som før at stiftinga bør vera i stand til å overleve to årlege konferanseår, anten dei skuldast nedgangstider i bransjen og låge deltakartal, eller force majeure-situasjonar der SKUP sjølv må dekke kostnader om konferansen blir sterkt redusert eller må avlysast på kort varsel. Historia syner at at høge deltakartal ikkje garanterer ei god botnline. Høgare inntekter i form av auka deltakaravgift og støttemidlar er ikkje ei langsiktig løysing for å få ein stabil økonomi og sikre sunn eigenkapital. Overordna meiner komiteen det er positivt at styret har stogga noko av den negative utviklinga ein har hatt i eigenkapitalen tidlegare år. Me oppmodar styret til å halde fram arbeidet med å sikre ein stabil økonomi.

*Oslo, Bergen og Ål
04.03.2014*

Trond Sundnes

Ingvild Rugland

Heidi Molstad Andresen